





Nos Humanismo

SKAIH Pre-Universitario ta forma parti di **Fundashon pa Skol Humanista na Papiamentu (FSHP)**. Nos filosofia humanista ta un guia pa nos forma alumnonan holístikamente i saka kada un su potensial máksimo. Nos ta brinda un enseñansa inklusivo kaminda e pilarnan **igualdat, solidarismo, naturista, rashonalidat i libertat** ta pará sentral. Siguiendo nos filosofia, e balornan ku nos ta inkulká den nos alumnonan ta responsabilidad propio, responsabilidad sosial i uso di **diálogo** basá riba motibu, argumentonan bon fundá i **rèspèt** den tur komunikashon.

Lèsnan pa èksamen final di hulandes i papiamentu

Nos ta ofresé lèsnan na ingles òf papiamentu, pero esaki no ta nifiká ku alumnonan no ta risibí e idioma hulandes. Komo un skol ku ta forma parti di un pais den Reino Hulandes, nos alumnonan tambe ta haña **hulandes** komo materia. Nan ta pasa un **èksamen final pa hulandes i papiamentu** meskos ku tur otro skol riba nivel di HAVO/VWO. Alabes, SKAIH Pre-Universitario tambe ta kai bou di e **lei di enseñansa liber!**



**CARIBBEAN
EXAMINATIONS
COUNCIL**

Programanan Karibense di CXC na ingles riba nivel di HAVO/VWO

Na aña 1972 e organisashon **CARICOM** a establese Caribbean Examinations Council, CXC, komo e organisashon ofisial ku ta desaroyá, evaluá i distribuí programanan Karibense ingles na diferente nivel di skol. Pa medio di un akuerdo ofisial entre Gobièrnu di Kòrsou i CXC, SKAIH Pre-Universitario ta brinda tres diferente programa di CXC: esta **CCSLC** (den klas 1 i 2), **CSEC** (ekivalente na HAVO) i **CAPE** (ekivalente na VWO+). Alumnonan ta finalisá kada programa ku èksamennan na ingles segun stipulashonnan di CXC. Despues di optené resultadonan satisfaktorio, kada alumno ta risibí un **sertifikado ofisial di CXC** i na klas 5, un **diploma ofisial di skol**. Nos ta orguyoso ku un promedio di **85% di graduado**. Pa mas informashon, mayornan por bisihitá e página di CXC na www.cxc.org.

E alternativa na ingles i papiamentu pa havo/vwo tradishonal!

Sertifikado di Cambridge English

We prepare for

Cambridge

English Qualifications™

Komo un skol bilingwe afiliá na Nuffic, tur alumno na SKAIH Pre-Universitario ta pasa un èksamen di **Cambridge English** pa demostrá nan nivel di ingles na final di enseñansa bilingual. Dosentenan ku ta usa ingles komo idioma di instrukshon tambe ta sigui kurso di profeshonalisashon den ingles i alabes nos ta prepará e alumnonan pa èksamennan di Cambridge na skol mes. SKAIH Pre-Universitario tin un **promedio di èksito di 95%** pa ku e èksamen akí i ta un **sentro di preparashon ofisial** pa èksamennan di ingles di Cambridge. Un sertifikado ofisial di Cambridge ta rekonosé na mas ku 25,000 universidat i institutonan rònt mundu.

Aksesio na HBO i Universidatnan

Na momentu ku bo gradua for di SKAIH Pre-Universitario, bo tin e oportunitat di sigui bo estudio na kualkier instituto tertiaro riba nivel di HBO òf universidatnan na Kòrsou, den Karibe, na Hulanda, Merka òf Canada. E sertifikado di CXC, Cambridge English i alabes bo diploma di SPU ta habri portanan den diferente parti di mundu dunando bo aksesio na oportunitatnan di estudio úniko pa ku bo futuro.

Sea ku bo skohe pa studia na Kòrsou òf den eksterior, bo ta sali SKAIH Pre-Universitario komo un hóben ku **un bon konosementu di bo mes i bo rais** (identidat kolektivo), pero bon konsiente ku nos tur ta forma parti di un komunidad global. Desaroyando den un **'global citizen'**, lo bo eksperensiá diferente aktividat pa enrikesé bo konosementu di mundu, especialmente nos biahe skolar anual òf proyektonan di interkambio ku skolnan den eksterior. Un eksperensia realmente **inolvidabel!**



E alternativa na ingles i papiamentu pa havo/vwo tradishonal!